

Folco de Baroncelli-Javon

Lou Biòu



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang
<http://www.lpl.univ-aix.fr/guests/ciel/>

Lou Biòu

Folco de Baroncelli-Javon
à-n-Enri de Montherlant.

Quouro es vengudo la niue fousco,
Que lou reinard, soulet, tabousco;
En Coustiero, amoundaut, quouro, l'un après l'un,
Se soun tóuti amoussa li lum,
Planet, dison, s'entènd cracina dins li tousco,
Vers lis Isclo, au bord di palun.

Dóu païs ounte ges de clavo
D'ome ni de chivau s'enclavo,
Dóu desert imourous d'abisme e de rousèu,
De fangas e de boutarèu,
Sort un biòu fabulou, bourlant dins l'aigo blavo,
Tout negre sus l'encrou d'ou cèu.

E, reniflant l'oudour marino,
Lou moustre banu s'acamino
Li gardian, que, de niue, van en curso, l'an vist,
Oumbro liuencho que li seguis.
Alor, un re foulèri aganto la bouvino,
E tout s'enauro, e tout fugis.

Afourtisson qu'aquéu bestiàri
N'es qu'uno engano emai qu'un glàri.
E, quand la mar boumbis, que danson lis estang,
Soun brama se mesclo au levant.
Quand li fiò de palun sus dès lègo fan bàrri,
Tiro braso au brasas cremant.

E, pèr tant que l'on tourno à rèire,
Parèis qu'à la chut-chut, li rèire,
Lou vespre, an parla d'eu souto li cabanoun,
Dóu Cavau fin qu'à Quincandoun,
Sèns que, de proche, res ague poussu lou vèire
Ni defini sa creacioun.

